



DEIPARÆ  
VIRGINI BEATISSIMÆ

THESES EX JURE CANONICO EXCERPTAS,

QUAS EX PERMISSIONE

R. P. D. PAULI FRANCISCI ANTAMORI

*Sacra Consistorialis Aule Advocati, & Almae Urbis  
Archigymnasii Rectoris Deputati*

IN COLLEGIO GERMANICO-HUNGARICO

PUBLICÆ DEFENDENDAS PROPONIT,

ANTONIUS BEXIN NOBILIS REGNI CROATIÆ

SACERDOS

EJUSDEM COLLEGII ALUMNUS

D. D. D.



ROMÆ MDCCLXXI.


EX TYPOGRAPHIA GENEROSI SALOMONI.



SUPERIORUM PERMISSO.



# THESES SELECTÆ EX JURE CANONICO.

I. omanus Pontifex , D.N. Jesu Christi Vicarius , ac S. Petri Apostolorum Principis Successor , eum in universa Ecclesia Primatum habet , quem S. Petro Christus contulit , cum ei claves Regni cœlorum dedit , gregemque totum pascendum , regendumque commisit.

II. Quemadmodum autem Petro immediate gregis universi curam credidit , ita eidem immediate claves Regni cœlorum cæteris communicandas dedit .

III. Hic tamen Primatus neque est meri ordinis , & honoris , neque solius consociationis , nudique directorii , uti post Photianos , aliosque Schismaticos novissime Jurisconsultum Febronium docuisse ostendimus .

IV. Sed est auctoritatis , potestatis , ac jurisdictionis , uti ex Sacris Litteris , ex Œcumenicis Conciliis , communique Sanctorum Patrum scripturas interpretantium consensu Catholici Doctores contra falsa hæreticorum dogmata scribentes unanimiter , constanterque tradidere .

V. Unde sequitur Monarchicum esse Ecclesiæ regimen , non eo quidem Principatus genere , qui Tyrannidem , aut Despotismum sapiat , sed qui mitissimum Ductorem gregis , divinique Pastoris Vicarium , & imitatorem deceat .

VI. Ex natura , & jure hujusce Primatus potestatis , ac jurisdictionis Romano Pontifici jus competit recipiendarum ex omnibus Ecclesiæ partibus appellationum .

VII. Ejusmodi igitur recipiendarum appellationum jus non est privilegium adjectitium , ac primo tributum Romano Antistiti a Sardicensi Synodo , neque hæc quoad Romanas Appellationes novum aliquid , & antea insuetum induxit , uti comminiscitur Febronius .

VIII. Multo ante Sardicense Concilium delatas ad Romanum Pontificem fuisse , ab eoque exceptas e variis Mundi partibus appellationes , ex authenticis Historiæ Ecclesiasticæ monumentis constat .

IX. Mar-

IX. Marcio Presbyter a Sinopenſi Epifcopo parente ſuo Fidelium communione , ac Presbyteratus gradu privatus , cum ab eo pœnitentiam admiſſi criminis obtinere non potuiſſet , ad Romanum Pontificem provocavit , ut ſuprema ejus auctoritate non per juſtitiam , ſed per diſpenſationis gratiam in gradum , & communionem repararetur .

X. Montanus quoque , Florianus , Blaſtus , aliique , quos Cathryges nuncupabant , ad Apoſtolicam Sedem appellarunt .

XI. Idem ex Africana Eccleſia præſtitiffe ſcimus Privatum Lambetanum , Novatum , Fortunatum , Feliciffimum , & quatuor ejusdem Africanæ Eccleſiæ Presbyteros .

XII. Baſilides etiam Aſturicenſis , & Martialis Emeritenſis in Hiſpania Epifcopi in Provincialibus Synodis depoſiti , ad Apoſtolicam Sedem appellatione interjecta , Romam acceſſerunt .

XIII. Celeberrimum autem Romanæ appellationis exemplum habemus in Cœciliani Carthaginenſis Antiſtitis cauſa , quæ ad S. Melchiam Papam per modum appellationis delata ; ab eo retractata fuit , ac definita .

XIV. Inter Appellationes ex Orientali Eccleſia ad Romanum Epifcopum ante Sardicenſem Synodum factas principem ſibi vindicat locum ea , quam contra Eufebianos ad S. Julium interpoſuit S. Athanaſius Alexandrinus Antiſtes .

XV. Ejus exemplum imitati ſunt Paulus Conſtantinopolitanus , Aſclepas Gazenſis , Lucius Adrianopolitanus , Marcellus Ancyranus , aliique Orientales Epifcopi , ac Presbyteri , qui in Synodis ab Eufebianis damnati , depoſitique , ad eundem S. Julium I. appellantes conſugerunt .

XVI. Iſi quoque Eufebianæ factionis Principes , Urfacius , & Valens Epifcopi , in Sardicenſi Concilio de Epifcopali gradu , ac Sede dejecti , & ab omni Fidelium communione ſejuncti , Romam acceſſerunt , ſuorumque criminum veniam a Romano Pontifice poſtulantes , illud etiam enixis precibus petierunt , ut ſuprema ejus auctoritate , ac poteſtate non per juſtitiam , ſed per diſpenſationis gratiam Fidelium communioni , ſuiſque ſedibus reſtituerentur .

XVII. Falfa eſt Febronii propoſitio aſſerentis , Sardicenſe Concilium

cilium Romano Pontifici non Appellationum Jus , sed quamdam solum decernendæ revisionis auctoritatem tribuisse .

XVIII. Jus quidem recipiendi appellationes Romano Episcopo Sardicensis Synodus non tribuit , illud enim ipse a Christo Domino una cum Primatu potestatis , ac jurisdictionis accepit , acceptumque semper exercuit , & usque ad consummationem sæculi exercebit .

XIX. Verarum tamen Appellationum Jus , quod Romano Pontifici ratione Primatus ex divina institutione competit , Sardicensis Synodus declaravit , suisque legibus adversus refractarios communivit .

XX. Quod quidem patet primum ex obvio , ac naturali Canonum Sardicensium sensu , & ex fine , quem sibi , dum illos concedent , ejusdem Concilii Patres proposuerunt .

XXI. Patet deinde ex perpetua utriusque Ecclesiæ , tum Orientalis , tum Occidentalis praxi , stabilique in utraque Ecclesia eorundem Canonum observantia .

XXII. Non igitur Romanæ Appellationes incrementum suum , immensamque propagationem debent falsis Isidori Mercatoris Decretalibus , uti ad nauseam usque repetit , & inculcat Febronius .

XXIII. Innumera enim habemus appellationum exempla , quæ post Sardicensem Synodum ex utraque tum Orientali , tum Occidentali Ecclesia ad Apostolicam Sedem delatæ sunt ante sæculum nonum , quo primum lucem juxta communioem sententiam Isidori Decretales prodierunt .

XXIV. Quamquam plerasque Isidori Decretales supposititias esse censeamus ; Eas tamen immerito Pontificiæ potestatis osiores tot districtiis , contumeliis , ac maledictis proscindunt , cum easdem , uti Cardinalis Bona , Natalis Alexander , ac Petrus de Marca fatentur , & sententiis , & verbis Legum , Canonum antiquorum , & Sanctorum Patrum , qui quarto , & quinto sæculo floruerunt , si pauca demas , concinnatas esse constat .

XXV. Multo autem minus horribilem illam Isidorus meretur censuram , qua eum Febronius notat , ubi ait , unum Isidorum Mercatorem plus mali Ecclesiæ , quam Hæresiarchas omnes , intulisse .

XXVI. Non tamen his Decretalibus Romani Pontifices aut utuntur ,

tur , aut indigent , ut collata sibi divinitus privilegia ab hostilibus oppuglatoribus tueantur .

XXVII. Ecclesiæ enim Romanæ privilegia ; uti S. Nicolaus I. scribit in epist. 4. , Christi ore in B. Petro firmata , in Ecclesia ipsa disposita , antiquitus observata , a Sanctis Universalibus Synodis celebrata , atque a cuncta Ecclesia jugiter venerata , nullatenus possunt minui , nullatenus infringi , nullatenus commutari . Quod Deus posuit , humanus non valet amovere conatus .

*FINIS.*

